



# ज्वजलपा वाःपौ

JWOJALAPA WEEKLY

दैं ७ ल्याः ३३ (पूर्णडक १३५) ने. सं. ११३७ चौलाथ्व षष्ठि आइतवाः २०७३ चैत २० गते आइतवार (Apr- 02, 2017)

मू द १- पृष्ठ ६

## भाषा आयोगयात नेपालभाषा एकेदेमिया सुभाब



ज्वजलपा वाःपौ /

नेपालभाषा एकेदेमिया र्वसलाय् भाषा आयोगया सम्बन्धीत व्यक्तित्वपिन्त वना सहलह व्याकेगु ज्या याःगु दु । वंगु १७ गते संवैधानिक भाषा आयोगलिसे सहलह ज्याभ्वः याःगु खः ।

नेपालभाषा ख्यःया थीथी व्यक्तित्वपिं नापं नेवाः न्हलुवातय्गु उपस्थितिइ यलय् जूगु ज्याभ्वःवलय् भाषा आयोगयात नेपालभाषा एकेदेमियाखें सुभाब नं विउगु दु । जनस्तरं नीस्वनातःगु

नेपालभाषा एकेदेमियाखें लःलाःगु सुभाबय् थुगु कथं न्हयथनातःगु दु ।

### सैद्धान्तिक पक्ष

क. भाषा अभिव्यक्तिया माध्यम, ख. भाषिक अधिकार अभिव्यक्तिया अधिकार-अर्थात आधारभूत मौलिक अधिकार, ग. समुदायगत मंकाः सम्पदा, घ. समुदायगत मंकाः पहिचानया आधार, ङ. भाषिक अधिकार- (थ्व व्यक्तित्वगत अधिकार जक मखु), च. समुदायगत अधिकार या आधार जनसांख्यिक बाहुल्यता

मखु, छ. ऐतिहासिक थातथलो, आदिभूमि, ऐतिहासिक निरन्तरता अधिकारया निर्णय तत्व

### कार्यान्वयन पक्ष

क. देय् दुने आदिवासी समुदायपाखें ल्हाइगु मातृभाषात क्वःछिइमाःगु, ख. मातृभाषात संवैधानिक अनुसूचि तयार व मान्यता, ग. प्रदेश तहलय् सम्बन्धित प्रदेश दुने ल्हाइगु मातृभाषात क्वःछिइगु, घ. प्रादेशिक तहलय् ल्हाइगु मातृभाषाया थातथलो या पहिचान, ङ. स्थानीय तहलय्

ल्हाइगु भाषातय्गु बाहुल्यता दुगु इलाकाया पहिचान, च. आदिवासी नापं मेगु छु समुदायया प्रदेश, स्वायत्त क्षेत्र, संरक्षित क्षेत्र वा विशेष क्षेत्रय् भाषात प्रयोग यायेफइगु सिफारिश यायेगु

### भाषा प्रयोगया थीथी आयाम

क. शैक्षिकः १. शैक्षिक तहया निर्धारण, २. शिक्षण माध्यम, ३. शिक्षण विषय, ४. अनिवार्य, ५. ऐच्छिक, ६. विद्यालय चायेकेगु वा शिक्षा कायेगु अधिकार, ७. राज्यया दायित्व

ख. संचारः १. सरकारी संचार माध्यम भाषा, २. केन्द्रीय नापं प्रादेशिक स्तरया आम संचार माध्यमय् थाय्, ३. निजि संचार माध्यमय् थाय्, ४. सूचना प्राप्ती व सूचना जारीया अधिकार

ग. प्रशासनः १. संघीय नापं प्रादेशिक प्रशासनया कामकाजी, २. स्थानीय वा

स्वायत्त, संरक्षित, विशेष तहया कामकाजी

घ. न्यायपालिकाः १. संविधान, कानून व न्याय सम्बन्धी सूचना व ज्ञान हासिल यायेगु माध्यम, २. अदालतय् व हश पैरवी बयानय् भाषातय्गु प्रयोग

ङ विविधः १. लिपिया प्रयोग व विकास, २. व्याकरण नापं शव्यकोष निर्माण, ३. साहित्यया विकास, ४. पाठ्य पुस्तकया विकास, ५. शिक्षक प्रशिक्षण, ६. अवसरतय्गु श्रृजना, ७. संघीय तहलय् बहुभाषा नीति, ८. प्रादेशिक तहलय् त्रिभाषिक नीति

एकेदेमिया सुभाब पौ लःलाये धुकाः जूगु सहलह मुंज्याय् संवैधानिक भाषा आयोगया अध्यक्ष डा. लवदेव अवस्थी नेपालय् दुगु भाषात आःया अवस्थाय् राज्य नापं संस्थागत रुपं हे संरक्षण मयात धाःसा भाषात तना वनी धुकाः धयादीगु दु । वय्कलं नेपाःया हे

पुनर्संरचना जुयाच्चंगु इलय् नेपाःया शिक्षा नीतिइ पुनर्संरचना मयात धाःसा नेपाःया मातृभाषाया शिक्षा अर्थपूर्ण कथं विकास जुइ फइमखु धुकाः धयादिल । नापं भाषा आयोग सम्बन्धी बैठक संसदय् थ्यना नं पना अलमल जूगु जानकारी बियादिल ।

उगु समारोहलय् आयोगया अध्यक्ष वय्कलं भाषा आयोगय् न्ह्याम्ह हे च्वंगु जूसां नं संविधानपाखें बियातःगु निर्देशनय् च्वना ज्या यायेमाःगुलिं थ्वसिवें अप्ठः ज्या याकेमाःगु अवस्थाय् फुक्क राजनीतिक कथं हे क्रियाशिल जुया दबाव विइमाः धुकाः धयादिल ।

अथे हे आयोगया छम्ह सल्लाहकार डा. तेजरत्न कंसाकारं नेपाःया फुक्क भाषात समान कथं विकास मजगुलिं च्वयेगु परम्परा हे मदुगु भाषायात नं लिपिया विकास याना उकिंयात अभिलेखिकरण यायेमाः धुकाः वः बियादीगु खः ।

### "Be Smart, Be Good" Salient Features

- Grade teaching classes (play-way teaching learning approach) at pre-primary and primary levels.
- Well- equipped biology, chemistry and physics labs.
- Computer lab with internet facility.
- Homely and natural school environment.
- Homely and hygienic hostel facility.
- Regular & Special music, dance, art and sports activities and field trips.
- Separate playground and dinning hall for small kids.
- Additions Audio-visual teaching and learning classes.
- Smart Classes ( Digital Classes )
- Health care facility.
- Art and sculpture promotion program.
- Psycho-social counselling facilities.
- Multi-sport facilities and children park (future plan).

## Admission Open !! Play Group to Class VIII

Entrance exam date are on 20th, 24th & 25th chaitra 2073  
& Free Admission only on 20th chaitra 2073



**RARAHIL MEMORIAL SCHOOL**  
राराहिल मेमोरियल स्कूल

Kirtipur, Kathmandu, Nepal  
Ph. no.: 014-330121, 4331248, 4331249  
Email: rarahil@mail.com.np  
Website: www.rarahil.edu.np

100% Successful SLC Result with Remarkable Distinction since 2003





# ज्वजलपा वा:पौ

सल्लाहकार  
श्रीकृष्ण महर्जन  
प्रकाशक:

नजरराम महर्जन  
सम्पादक

श्रीकृष्ण तण्डुकार  
ले-आउट:

ज्वजलपा डेस्कटप  
संवाददाता

भरत महर्जन, निरजमान सिंह  
थाकू

प्रिन्ट स्काई, यें

ज्याकू: निखासी त्वा: किपू नपा-३

फोन ल्या: ४३३३००७, ९८४९४०९०७७

ई-मेल : jwojalapaweb@gmail.com

## सम्पादकिय

## स्थानीय तहया चुनावयात कया अभ नं अन्यौलता

सरकारं स्थानीय तहया चुनाव घोषणा यानातःगु इलय हे यायेगु खःसा चुनाव जुइगु ई करिव लच्छि जक ल्यंदनि । लच्छि जक दनीगु अवस्थाय नं स्थानीय तहया चुनवाया नितिं माःगु कथंया वातावरण स्थानीय तहलय ब्वलनाचंगु खने मदुनि । प्रमुख राजनीतिक पार्टीया नेता कर्याकर्ता जक मखु नेपाःया अप्वःयाना संचार माध्यमपाखें चुनावया बारे यक्व प्रचार प्रसार यानाचंगु जूसां नं चुनावया सवाल्य अभ नं माहोल तयार जूगु अवस्था मदुनि ।

स्वनिगःया अवस्थायत जक स्वल धाःसां थुगुसी स्थानीय तहया पुनरसंरचना याःगुलिं थःपिनिगु वडा गुलिई लात अले मेगु नगरपालिका नाप स्वाःगुलिं छु जुल धइगु खँय तर्क अलमल जुयाचंगु दु । न्हापा थःपिनिगु वडा गुलि खः आः वसिबें तःधं जूगु व मेगु नगरपालिकाय लाःवंगुलिं मनूत म्हमस्यगु जक मखु गुगु कथं चुनावया रणनीति दयेका वनेगु धइगु सवाल्य प्रमुख दलया स्थानीय नेतात तर्क अलमल जुयाचंगु दु । मेखे हाकनं मधेसी मोर्चा नाप संघीय गठबन्धनपाखें आन्दोलन याना वयाचंगु अले लगातार रुपं वार्ता नं जुयाचंगु अवस्थाय कन्हय छु जुइ धकाः तर्क धाये फयाचंगु मदु । उकिं चुनाव जुइ कि मजुइ धकाः तर्क न्हयसःत ब्वलनाचंगु दु ।

थज्वःगु अवस्थाय राज्यपक्षं जक मखु सत्तापक्ष, प्रतिपक्ष लगायतया दलत चुनावया नितिं तयार जुया न्ह्याः वनाचंगु जूसां नं चुनावया वातावरण धाःसा ब्वलनाचंगु अवस्था मदुनि । थ्व हे अवस्था जुल धाःसा चुनावय जनतात सहभागी जुइगु सवाल्य न्हयसःचिं ब्वलना वइ धकाः सरकारनिसं चुनाव पक्षधर दलतयसं थुइकेमाः ।

## गजल शौरभ शाक्यया

### गजल-२५

मनला जिगु भुटुमाली ब्वःथें ब्वल  
आखःखःजिं गजल च्वःथें च्वल ।  
लसतां वं जितःन्हिलाः न्वतूबलय  
जिला क्वबय स्वां ह्वःथें ह्वल ।  
सुं मदुथाय नं छु खनिगु जिगु मिखां  
जिं ला प्याजया ख्वला प्वःथें प्वल ।  
वाखं छंगु जिगु जब ग्यातिसथे ताहाइ  
जिं टिभीया सिरियल स्वःथें स्वल ।  
आखिर छुं जुइमखु खनाःगु वहे जुल  
मतिना छंगु जिगु आलु क्वःथें क्वल ।



## भावो-२



### -विपेन्द्र महर्जन

थुकथं उद्योग, सेवा, निर्माण, बुँज्याय विशेष दखल दयकाः अन्न आदि उत्पादन ज्याय न्ह्यचिलाः नं समाज सुथालाक न्ह्याकेत माःगु आध्यात्मिक भावनां जाःगु मैत्री, करुणा, मुदिता व उपेक्षा भाव व्यवहार य छयलाः वयाचंगु गृहस्थी नेवाःतयत हे श्रमण भन्तेपिपाखें मनू जुयाः म्वायत माःगु मनू गुणं जाःपिं कथं 'मनुस्सतभावो' धाःगु खः धैगु सीकाः कायफु । अभिलेखया लिधंसाय स्वयंबलय नं सीप व ज्ञान गुणं युक्तपिं नेवाःतयत भावो धायगु जुयाचंगु दु । थुकथंया विश्लेषणं छु सीकाः कायफु धाःसा सीप व ज्ञान गुणं युक्तपिं फुसत इलय न्ह्याइपुकाः वयाचंगु आदिवासी गृहस्थी नेवाःतयत ज्यापु धयावःथें बौद्ध साहित्यकथं मनू जुयाः म्वायतमाःगु गुणं जाःपिं मनूतकथं नं मनुस्सतभावो अथवा भावो धाःगु धकाः ख्वीके फु ।

थौतक लूगु अभिलेखया लिधंसाया अध्ययनं थ्व खँ स्पष्ट जूगु दु कि ज्यापुतयत हे भावो धयावःगु खः । जीवनय प्यन्हसां भिक्षु मजुसे मगाःगु संस्कार दुपिं शाक्यभिक्षु, शाक्यपुत्र, शाक्यवंशयात बन्दे व बज्राचार्य गुरुपिन्त गुरुजु धाइ, भावो मधाः अथेहे बनेज्या व लायकूया भार दार मन्त्रीतयत भारो धाइ भावो मधाः ।

उत्पादन व निर्माणया थीथी ज्या व सेवाय संलग्न जुयाः नं बुद्ध उपदेशयात थःगु जीवन व समाजया आदर्श भाःपिया वयाचंगुपिं नेवाःयात गथे भावो धाःगु खः अथेहे ई व परिस्थितिया क्रमय भावोतयत हे म्हसीकेगु मेकथंया खँवः हे ज्यापु जुयावःगु खनेदु ।

हिलाचंगु ईया भवलय नेवाः समाजया आदर्श व भावनाय किचलं भुनावःगु खनेदत । थीथी घरेलु उद्योग, निर्माण सेवा सम्बन्धी ज्यायात लाज्याकथं छयलाः मू लजगाः बुँज्यानाप स्वापू दयाचंगुपिं गथे बाला, ब्यं बेथी, दगू, आवाः, कुमाः, मू, घांसी, गथु, सुवाः, खुसः, तेपे, द्रंरंगा, सापू, हँयपू, फौपू, महां, पहरी, सिं आदियात ज्यापु धायगु जुयाः मेपिन्त मेमेगु जातिया नामं स्वयगु चलन खने दयावल ।

गबलयनिसं नेवाः समाज दुने नं उच्चस्तर व निम्नस्तरया भेद ब्वलनाः, थःथवय इर्ष्या व द्वेषया जन्जालय तक्यना वल, अबलेनिसं सरल व समानताय ब्वलपिं थ्व नेवाः समाजय जाति रंगभेदया भावनां हा कायगु सुरु जुल । मल्लकाल ने.सं.७९५ ई

लिपानिसं ला ज्याया नामं प्रज्ञप्ति जुयाचंगुपिं नेवाःतयत नं चवय न्हयथनाकथं थीथी कर्मया नामं थीथीकथं जाति विभाजित यानाः व्यवहार यायगु संस्कार ब्वलनाःवःगु खनेदत । थुकथं अलगअलग ज्याया नामं म्हस्यूपिं जातिया सन्तानतय दथुइ इहिपाः जुयाः दुपिं सन्तानयात नं अलग जाति नालेमाःगु चलन नेवाः समाजय खने दयावल (नेपालभाषा साहित्यया जातः) । गथेकि, लवत, पुलामी, नगर कोते, गोर्खाली आदि । थुकथंया भावना सत्यादं थुखेनिसं ज्यापुतयत भावो धायगु श्रेष्ठतयत भारो धायगु, अथेहे वन्दे धायगु चलन नं त्वःफिना वंगु खनेदत ।

थुकथं स्वनिगःया नेवाः समाजय भेदया भावना ब्वलना वसानिसं ज्यापुतयत भावो धायगु संस्कार नं त्वःफिनावःगु खः । तर देश विदेशय थौतक नं नेवाःतयत भावोया नामं म्हसीका वयाचंगु दु । मंगोल प्रदेशया मनूतसं नेवाःतयत भावो हे धाः । अथेहे चीन व ल्हासाय नेवाःतयत छयलीगु खँवः हे भावो खः, थुकियात अनयापिसं भ्यावो नं धायगु याः । (हर्षमुनी शाक्य)

भारतय नेवाःतयत भाजु धाइगु चलन दु । भारतया बेतिया जिल्लाय च्वनाचंगुपिं छयः नेवाःतयत बारे भाजु हिरण्यलाल श्रेष्ठ थःगु भ्रमण विरणय न्हयथनादीकथं अनया नेवाःतयत भाजु धाइगु खः । थुकथं नेवाःतयत जक छाय भाजु धाःगु खः थ्व खँया नं विचाः याय बहः जू । शायद भाजु धायगु चलन नेवाः खँवः भावोया सरलीकरण ला मखु ला ? बास्तवय नेवाःतयत धाइगु भावो खँवः थें भाजु खँवःया अर्थ उक्तथं खनेदु । नेपालभाषाय 'भा'या अर्थ मूल्य अथवा महत्वदुम्ह धयाथें खःसा 'जु'या अर्थ हनेवहःम्ह मनू खः । थुकथं 'भा' व 'जु' थ्व निग्वः खँवः जोरे यानाः भाजु खँवःया अर्थ छयलाः स्वयंबलय गुणं जाःम्ह मनू धइकथं क्यं । भाषा सरलीकरणया भवलय भावो खँवःयात थुकथं अपुक भाजु धकाः छयलावःगु ला मखुला ? भावोया सत्ताय भाजु धायगु चलन खास याना ने.सं.९९९ निसं प्रचलन जूगु खनेदु ।

थौकन्हय ज्यापुतयत भावो धायगु चलन त्वःफिना वंसांतवि सकल नेवाःतयत हे भाजु धायगु चलन जुयावःगु खनेदु । माने याय बहःपिं व गुणं जाःपिं नेवाःतयत आदरपुर्वक धायगु खँवः हे भाजु जुयाचंगु दु । भिंगु गुण दुपिं ल्यायम्हतयत थः म्हायमचाया इहिपाः याना वीपिं भी नेवाः जूगुया कारणं जिलाजयात नं भाजु धायगु याः ।

ख्वपया जुजुस जगज्योतीर मल्ल (ने.सं.७२९(७५३) या इलय ब्रम्ह धर्मकथं शारीरिक रुपं भ्यातुगु ज्या सना वयाचंगुपिन्त शुद्र धकाः क्वह्यंगु मिखां स्वयगु जुल । बुद्धि छयलाः भ्यातुगु ज्या सनाःवपिं ख्वपया नेवाःत मध्यय ज्यापु हे जुयाचंगु इलय छगू न्हूगु नियम खनेदुगु जुल । थ्व नियमकथं

सुं नं शुद्रं थः धर्म संस्कार त्वःताः ब्रम्ह पुरेत तल धाःसा व शुद्रयात सत शुद्रया तगिमय तयाः शुद्रय नं छगू तगिं थहाँ वंम्हकथं राज्यस्तरं हे मान्यता विउगु जुल (गोपालसिं नेपाली, दि नेवार पुस्तक) । सु शुद्रं थःगु धर्म संस्कार मत्वःतुसे चवनेगुयात व शुद्रयात अशत शुद्र नामाकरण याना शुद्रय नं छगू तगिं कुहाँ वंम्हकथं चलन जुयावःगुलिं यानाः ख्वपया ज्यापु समाजय धार्मिक व सामाजिक उथलपुथल जुयावःगु खनेदत । ख्वपया तलेजु पुजाय दुध्याःपिं सुवाः व कुम्हाः थरया ज्यापुत लायकुलिइ हे दुध्याःपिं जूगु कारणं याना ख्वपय सुवाः व कुम्हाःया प्रतिस्था यथावत दुगु जुल । यें, यलय छयलावःगु गुगु नं ज्यापु थर ख्वपया ज्यापुतसं छयलेबलय थःत नं क्यह्यंम्ह ज्यापु धाइगु भ्रम, भय ब्वलंगुलिं अजाःगु थर मछ्याःगु खः धैगु ख्वपय जनधारणा खनेदु । थुगु कारणं याना ख्वपय थीथी कथंया थर पिहांवःगु खः । (ख्वपय ज्यापुतय थर( ज्योतिकरण वासुकला)

थुकथं अनेक नियमया अस्तित्वार याःसांतवि उबलेया नेवाः समाज थज्यागु खँय मान्यता ब्यूगु खनेमदु । नेवाः समाजय समानताया भावनां ज्या याः । भावो, वन्दे व भारो दथुइ नं च्वय क्वयया भेद मदु, परस्परय मित्रता दु, थःथवय स्वाहालि यायगु मंकाः संस्कार दु । वन्दे, भावो व भारो कर्मया लिधंसाय धायगु उगु ईया चलन खः । अर्थात् कर्म परम्पराकथं स्वयगु जक खः । भावो कर्म त्वःताः श्रमण भिक्षु जुयाः वन्दे नं जुइफु, बनेज्या वा दर वारया पात्र भारदार कर्म ज्वनाः भारो नं जुइफु, अथेहे भिक्षुत्व त्वःताः गृहस्थइ वयाः भावो कर्म नं नालेफु, भारो कर्म नं नालेफु । भारो कर्म त्वःता श्रमण भिक्षु जुयाः वन्दे नं जुइफु, व भावो कर्म नालाः भावो नं धायके फु । थ्व नेवाः समाजया समभाव जाःगु संस्कार खः । थ्व बारे छुं उदाहरण न्हयब्वयः ।

क) “काष्ठमण्डप महानगरे यत्ताछि टोलके भवतविहाराधिवासीन परमापाशक शाक्यभिक्षु श्री अमृतपाल पोन्स्य हेरमयी पुत्र अमृतराज भारो” ने.सं.४२५ जुजु जयइन्द्र मल्ल ( नेपालभाषा साहित्यया जातः, पेज ५ सं. चित्तधर हृदय)

ख) “.... दानपति तुलाधर रामदेव भारो ...ने.सं.७७५ (ऐ ऐ)

ग) भावोया म्हाय लक्ष्मीनांया मयजुया इहिपाः जुजु विष्णुमल्ल ( ने.सं.८४२) नाप जूगु व जुजुं छगू गुथि स्वनाः भारोतयत जिम्मा लःल्हाःबलय लानी लक्ष्मीया जोडं थः किजा नं व गुथि दुध्याकूबलय वया किजाया नांया ल्यूने भावो व भारो निताना स्वाकातःगु अभिलेख पिटर बहेंच अभिलेख संग्रहकार उल्लेख यानादीगु दु ( कैलाश जनरल अफ हिमालय स्टडी, ब्व प्यब्व (Vol.IV) पाना ल्याः ६४, १९७६ ल्यं ४ पेजय

## किपू नगरया वडा वडाय् स्थानीय तहया चुनावया चर्चा

ज्वजलपा वा:पौ /

स्थानीय तहया चुनाव गुलि गुलि लिक्क थ्यना च्वन उलि उलि मन्तय चुनावया बारे चासो दया वयाच्वंगु दु। मेयर उपमेयरया चर्चा गाक्क जुइधुकल। आ वडाध्यक्षया बारे चर्चा सुरु जूगु दु।

वडा ज्याकुथियात हे यक्व अधिकार दुबलय् वडाया अधिकार स्युपिं आ: वडाध्यक्ष जुइत तयार जुयावःगु खनेदु।

स्थानीय विकास मन्त्रालयनं स्थानीय शासन सञ्चालन सम्बन्धि जारी या:गु आदेश कथं आ: वडा कार्यालयनं नाता प्रमाणित यायेगु नापं नागरिकताया सिफारिस, नाता, जन्ममिति, विवाहित/अविवाहित, फरक नां थर, मन्जुरीनामा, संरक्षक, जीवितनाप सम्बन्ध, हकवाला, आर्थिक अस्था कमजोर वा विपन्नता, सम्पन्नताया प्रमाणित याये फइगु जूगु दु। अथेहे बहाल करया लेखाजोखा, मोही लागत कइ, घर जग्गा करया लेखाजोखा, व्यापार, व्यवसायया बारे, मिलापत्रया भ्वं दयेकेगु, छँया सिफारिस, व्यक्तिगत विवरण पुर्जाय घर कायम छम्हेसिया निगू नां जूसां छम्ह हे ख: धका: सिफारिस यायेगु, सर्जिमिन उद्योग ठाउँसारि, पूर्व प्राथमिक विद्यालय चायेकेगु सिफारिस, जग्गा धनी पुर्जा तन धा:सा, कित्ताकाट व नामसारी सिफारिस तक्क वडा कार्यालय नं यायेफइ। जग्गाया मूल्यांकन, विद्यालयया कक्षा वृद्धि, धारा तथा विद्युत जडान सिफारिस वडा कार्यालयनं हे याये फइ।

थुगु कथं न्हापा नगरपालिका कार्यालय नं याइगु यक्व ज्या वडाय् वःगुलिं आ: ज्याया ल्याखं स्वयेगु ख:सा मेयर वा उपमेयर स्वया वडा अध्यक्षया महत्व अप्व: दइगुलिं वडाध्यक्षय् नुग: क्वसाय्कूपिं यक्व दु।

भतिचा स:स्युपिं मन्त पार्टीगत रुपं मखुसां व्यक्तिगत रुपंसां वडाध्यक्षय् उमेदवार जुइत सनाच्वंगु दु।

ज्वजलपा वा:पौयात वःगु सुचकथं किपूया युवा व्यवसायी ई दिनेश दर्शनधारी थ:गु वडा नं ३ साविक ५ व ६ वडाया वडाध्यक्ष उमेदवार जुइगु निंतिं व्वाय् जुयाच्वंगु दु। वय्क: छम्ह सिभिल

इन्जिनियर ख:सा थीथी कम्पनी चाय्का यक्व युवातय् रोजगार बियाच्वनादीम्ह ख:। वय्क:या धापूकथं थ:गु वडा विकास यायेगु तातुनां योजना सहित उमेदवार जुइत वयाच्वंम्ह ख:। वडा र/जनीति पार्टीसिकं व्यक्ति स्वइगु जूगुलिं थ: त्याइगु आशा यानाच्वंगु दु। वडा नं. ३य् माओवादी पाखें सिद्धिमान महर्जन नं वडाध्यक्षय् दनीगु खं दु।

अथेहे कि.न.पा. वडा नं.१ य् नेपाली कांग्रेस ब:ला, न्ह्याम्ह दँसां त्याइ धइगु धारणा दु। उकिं अन नं वडाध्यक्ष जुइत लालायितपिं यक्व हे दु। अथेख:सां आ: अन चर्चा ने.का.वडा नं.१ ईकाइ सभापति हिरालाल महर्जन व तरुण दलया किपू ईकाई सभापति इच्छा महर्जन नं वडाध्यक्ष दावी याना न्ह्योने वनाच्वंगु दु। अथेहे युवा सामाजिक कार्यकर्ता सरल गोपाल महर्जन नं वडा नं.१ या वडाध्यक्ष दनेत तयार यानाच्वंगु दु।

अथेहे वडा नं ८ य् नं नेपाली कांग्रेस व एमालेया दथुइ वडाध्यक्ष जुइत थ:थ:पनिगु लविंग सुरु जुइधुकूगु दु। साविक वडा नं.१०या वडाध्यक्ष सरव कुमार महर्जन मेयरया दावी यानाच्वंगु दु। यदि मेयर मविलधा:सा वडाध्यक्ष मा हे मा: धका: दावी यानाच्वंगु दु। एमाले पाखें हे वडाध्यक्षया निंतिं सुशिल महर्जननं कुत: यानाच्वंगु दु।

साविक वडा नं.१३,१४ व १५ समायोजन याना आ: वडा नं.६ जूगु दु। २०५४ सालं अन एमालेया बसन्त नेपाल त्या:गु ख:। थुगुसी अन गोकुल थापा, न्हुच्छे महर्जन वडाध्यक्ष दनीगु हुइना भुइना दु। तर अन मतदातातय् धा:सा आदिनाथ स्कूलया हेडमास्टर जुजुभाई महर्जन उमेदवार जुल धा:सा चोभा: डाँडाया नं मत कया: त्याइगु सम्भावना दु धयाच्वंगु दु। तर जुजुभाई महर्जन जागिरं राजिनामा बिया वइला मवइला धैगु शंका यानाच्वंगु दु।

नेपाली कांग्रेसय् धा:सा तरुण दल व वडा ईकाई सभापतिया दथुइ धेंधेबल्ला जुयाच्वंगु दु। स्वंगु वडा समायोजन जूगुलिं नेपाली कांग्रेस हे त्याइ धइगु विश्वास यानाच्वंगु दु।

## विष्णुदेवी हेल्थपोस्टय्



ज्वजलपा वा:पौ

किपूया ग:सीच्वंगु ग:सी पुखुली दनांत:गु विष्णुदेवी हेल्थपोस्ट आ: अस्पताल जुइधुकल। अस्पताल संचालन यायेत नेपाल सरकार स्वास्थ्य मन्त्रालय नं किपूया ससिर महर्जनयात व्यवस्थापन समितिया नाय: ल्यया ह:गु दु।

ससिर महर्जन युवा व स्थानीय जूगुलिं वय्क:यात नाय: ल्यया हयेवं अस्पतालया सुधार यायेमा:गु वा:चायकल। किपूया थीथी संघ संस्थानाप सहलह याना: म्हिग: सनिवा: सरसफाईया ज्याभव: यात। अन मुनाच्वंगु घाय् अर्थात भारपात सुचु पिचु यायेगु ज्या म्हिग: सनिवा: सुथय् जुल। न्ह्योने छकूचा छँय दना: ल्यूने फुक्क खाली जग्गाय् भारपातं याना: कुहाँ वनेत हे ग्यानापुस्से च्वंगु थाय्यात सुचुकुचु या:गु ख:। उगु ज्याभवलय् सशस्त्र प्रहरी, जनपथ प्रहरी, नयाँबजार क्लब, नेपाली कांग्रेसया नेता कार्यकर्ता सकलें दुगु ख:।

विष्णुदेवी अस्पताल व्यवस्थापन समितिया नाय: ससिर महर्जनया कथं याकनं हे उगु थासय् नाप जाँच याना: अस्पताल भवन दयेकेगु निंतिं नक्सा दयेका: याकनं हे ज्या न्ह्याकेगु जुइ। उकिया निंतिं बजेट नं वय्धुकूगु खं कनादिल।



**Mt.Marigold School**  
**Announces**

*New Admission for the Academic Session 2074 B.S*



**Mt.Marigold School**  
Kirtipur-9, Townplanning  
Ph.no.4336544, 9803892419  
E-mail: mtmarigolds@gmail.com

## भर्ना खुल्यो ! भर्ना खुल्यो ! !

यस हिलटाउन स्कूलमा नयाँ  
शैक्षिक सत्र २०७४ को लागि  
प्ले-ग्रुप (नर्सरी तयारी कक्षा) मा  
नयाँ भर्ना खुल्यो ।



**तुरुन्त सम्पर्क गर्नुहोस् ।**

**फोन नं.: ४३३१७३९, ४३३१४०७**





## साहित्य उपन्यास - जन्ति न्त्यात

चमि- मदन गोपाल प्रधान “क्वाःघासा”

२

कथहं .....

“अँ धाथें, छता खँ धाये हे ल्वःमन । मिसामचाया मां बौया मेपिं मचात मदु । काय् धाःसां म्प्याय् धाःसां वहे छम्ह जक । सी स्वाँ थें याना तःम्ह । अय्जगुलिं तःजहानपिं दुथाय् म्प्याय् विइगु अमि विचाः नं मदु । छिनं मेपिं सुं दुगु मखु । थः छम्ह व काय् छम्ह जक हे खः । जिं स्वयेबलय् छिकपिं निखलःसितनं ल्वः । मनतताया विचाः छु खः ?” मय्जुं धाल ।

मय्जुया न्त्यसलं मनमायायात वास्तविक संसारय् थने हल । वं थ माजु हे मजुनिगु चाल । छय्या विचाः ला गनः गन तिति धयाथें तायेकल । अले मय्जुया न्त्यसलय् लिसः ब्यु ब्यु वं धाल, “छिं धया झूगु जिं बांलाक न्यनाचवनागु दु । जितः यल । तर जि काय्या छु विचाः खः छकः वयाकेनं न्यने मालि ।”

“व ला खः । थौं कन्हय् न्हापाथें मखयेधुंकल । मचातय्के मन्यंसे भी थः यःथे याये नं ला मजिल नि ।” मय्जुं धाल, “बरु याकनं हे खँ न्त्याके दःसा बेस जुइला ।”

“ज्यू । हनिचा ब्यलिबलि याये धुंकाः खँ न्त्यथने मालि । बरु मिसा मचाया किपाः छपाः दःसा न्त्यनयव्वयाः हे खँ ल्हायदैगु खः । ज्वनां भायागु दुला थें ?”

“आःला ज्वना मवयानि । मतिइ ला वंगु खः, किपाः छपाः नं काये मालिला धकाः । खँ ल्हा ल्हाँ अथे हे ल्वःमन । वयकः पिनसं नं लुमंकाः मदि । जि नं न्त्यथने मफत । कन्हय् लँखतं छकः दुस्वयाः किपाः छपाः नं कयाः हयेका । मज्यूला, मनतता ?”

“ज्यू । श्री नं थौं थ्यंकः वइ ।”

“सु श्री ?”

“जि काय् का ।”

“छाय्, थन मदुगु ला ?”

“पिने आखः व्वं वनाः च्वंगु । थौं थ्यंकः वइ ।”

“ए, अयसा छि लिमलाः जुइ । जिनं ताउ हे जाल । वनाः हे छवये । कन्हय् कि कंस किपाः ज्वना वये ।”

निम्ह दन । मय्जुयात कुने तक तयाः मनमाया तलय् थहाँ बल । दथु मातनय् लँ रिखे स्वःगु श्रीया कोथाय् दुहाँ वन । छचाःखेरं मिखा व्वयेकल । अंगलय् खायाः तःगु थः मिजंया किपाः छकः तुक्क स्वत । कोथां पिहाँ वया खापा तित । केबरिखे स्वःगु कोथा स्वयाः वन ।

मय्जु खँ हल । मनमायाया मन थासय् मलात । खाताय् फ्यतुनाः भ्यालं पिने केवय् स्वयाः च्वंम्ह मनमायाया ध्यान कुने मुलुखा खापाय् ध्या ध्या याइगुलिइ लाना च्वन ।

□

“इतिहास सफुतिइ ला चाःगु न्हाय्त् लनां स्वःबलय् गुलिखे धानिं दु धकाः च्वया तःगु दु ।” फ्रेन्च भाजुं धाल ।

“च्वया तःगु खय् फु । अथेन्तुं व च्वया तःगुया धापू शाब्दिक अर्थ खतं पायछिजुइक भाय् जक हीका तःगु नं जुइ फु । अले थुलि धानिं दु उलि धानिं दु धकाः धयातःगु ला भन काल्पनिक जक जुइ फु ।” श्री नं थःगु धापू न्त्यने ब्वल ।

“काल्पनिक धकाः छिं छु लिधंसाय् धया दियागु ?” फ्रेन्च मय्जुं धाल ।

“काल्पनिक धकाःला याउँक हे धायेफु । छाय्धाःसा आःहे नं किपू देया जनसंख्या नीच्व दु मदु जक दु धाःसा निसः व नीच्यादै न्त्यः थ्व देसय् गुलि मनूत दु जुइ धकाः विचाः यानां स्वत धाःसा तसकं कम जुइ धकाःधाये फु । अथे अपुक्क ल्या खाये फौगु जनसंख्याय् नं बीर गतिइ लाःपिं मनूत पाःयाना स्वयेबलय् गुलि मनूत ल्यं दु जुइ ? उकिसनं मिसाजाति हे वना ल्वाये माःगु अवस्थां थ्व खँ सिद्ध जू कि उगु ताकाय् किपुलिइ ल्वाये फुपिं मिजंत दक्कसिनं धयाथें बीर गति प्राप्त याये धुंकूगु जुल । थुकथं ल्यंदनिपिं मनूतय्गु न्हाय् च्वका छकूचा जक ध्यना मुंकुगु ला इतिहासय् च्वयातःथें धानिका धानिं दै ला ? खँ थ्व हे खः । थ्व हे लिधंसा कयाः विवेक छेला विचाः यात धाःसा इतिहास सफुतिय च्वयातःगु धापू काल्पनिक जक खः धकाः याउँक हे धाये मफै ला ?” श्री धाल । कथंहं.....

हलिं नेवाः गुथि किपू कचां किपुली याःगु

“भिके-ल्ट्वने-न्हूधाः यायेनु”छयों तया चिनाखँ गोप्ठी ब्वंगु चिनाखँ छसिंकथं

पिकया वनेगु तातुना थ्व चिनाखँ न्त्यव्वयागु खः

२८.निका लँपुइ पियाचवना

२९.भुखाय् व म्हसीका

शान्तप्रकाश श्रेष्ठ

इमाख्यः, थक्वाः

निका लँपुइ दनाचवना

छ वइ धकाः पियाचवना ।

जि वयाचवना

छन्त पियाचवना

छ वइ धाःगु खँ न्यनाः

जांया मत च्याकाः

अशान्तियात छयँनय् च्वानाः ।

निका लँपुइ दनाचवना

छ वइ धकाः पियाचवना ।

यक्व दत पियाचवना

मनय् ह्वःगु स्वां ज्वनाः

छ वइ धाःगु आशा खनाः

खिमु नुगलय् जः क्यनाः

हाकु नुगः बाकसय् कुनाः ।

निका लँपुइ दनाचवना

छ वइ धकाः पियाचवना ।

जीवनया घःचा ज्वनाः

उखें थुखे घ्वातु घ्वानाः

कान्तियात ल्हातय् ज्वनाः

शान्तियात मनय् छुनाः

मुक्ति जुइगु विचाः यानाः

निका लँपुइ दनाचवना

छ वइ धकाः पियाचवना ।

सागर ज्यापु

वेक्वःतं, पांगा

ब्वल ब्वल ब्वल ब्वल

अकमकय् जि जुल

छु ब्वल छु ब्वल

अय् भुखाय् भुखाय् ब्वल ।

तिन्हिनय् वैशाख १२ गते

आकाभाकां ब्वल भुखाय्

घ्वाररररर घुररररर, ह्वारररररर हुररररर

सकलें सकतां छ्याल्ल(ब्याल्ल

गुम्ह गन, गुगु गन गन जुल

भीगु सकतां अस्त(ब्यस्त जुल

भीगु लाय्कू, भीगु लाछि

भीगु कला, भीगु संस्कृति

दक्वं(दक्वं ध्वस्त जुल

पूर्खां दयेकावंगु

भीगु घःगाः, भीगु फल्वा

भीगु धरोहर, भीगु पहिचान

दक्व(दक्वं धू जुल

वा वा पासापिं आः वा

भी सकले जानाः ध्वस्त जूगु

भीगु लाय्कू, भीगु लाछि

सुचुकुचु याये वा

भीगु घःगाः भीगु फल्वा

भीसं हाकनं ल्ट्वनेगु याये

भीगु पहिचानयात हाकनं

धिसिमिसिलाकाः हाकन व्वये ।

तपाईको टोलमा भएका घटना कीर्तिपुरको समाचार बनाउने  
हो भने तपाई एक कल फोन गर्नुस् हामी तपाईको टोलको  
समाचार कीर्तिपुरको समाचार बनाईदिनेछौं

## कीर्तिपुर सन्देश साप्ताहिक



### कीर्तिपुरको चित्रण

किपुलिं पिदनाच्वंगु कीर्तिपुर सन्देश वाःपौ व ज्वज्वलपाः वाःपौया ग्राहक जुइगु नितिं स्वापू तयादिसँ

कार्यालयः निखासी टोलः कीर्तिपुर नपा-३  
फोन नं.: ४३३३००७, ९८४१४०१०७७

ज्वजलपा वाःपतिइ छिगू चिनाखँ/बाखं/हाइकू विज्ञापन  
व मेमेगु च्वसू पिथनेगु जूसा जिमित स्वापू तयादिसँ

सकलसिगु मंकाः सः



# ज्वजलपा वाःपौ

ज्याकूः निखासी त्वाः किपू नपा-३ फोन ल्याः ४३३३००७,  
९८०८६२६४२० ई-मेल : kirtipur\_sandesh@live.com



## सहिदपनिगु लुमन्ति हिदान ज्याभवः

ज्वजलपा वा:पौ

किपूया खासी बजारय् सहिदपनिगु लुमन्ति नासः पुचःया ग्वसालय् म्निगः सनिवाः हिदान ज्याभवः जुल ।

म्निगः सनिवाः सुर्थासिया १० ताः इलनिसें २ :०० ताः तक न्ह्याःगु ज्याभवलय् न्याम्ह मिसात व स्वीन्याम्ह मिजंत यानाः मुक्क पीम्हेसिन हिदान यानादिल । वि.सं. २०६० सालय् कुतुम्हःया ल्याय्म्हपनिगु थुगु मंकाः पुचलय् थुज्वःगु हे स्थापना काल निसें हिदान ज्याभवः लगायत थीथी सामाजिक ज्याभवः न्ह्याका वयाच्वंगु दु ।



## चिबाखँ



### ज्ञानी आर मानन्धर

उखें फाता पुल, थुखें फाता पुल ! न्ह्यः वय्के मफु सरिता ! जुरुजारु दन ! फुगाया च्वसं च्वंगु मोबाइल अन याना स्वल, निता ई पुले धुक्कू खनि ! खातां दन ! छयों भ्यातुसे च्वच्वन वया ! मत च्याकाः न्हाय्कं स्वल ! मछा पहलं क्वछुत ! सोफाय् थच्याक्क फ्यतुल !

सोफाय् च्वंगु कुशन कतिक्क घय् च्यानाः च्वय् थस्वल ! म्हुतुं पिहां वल “ बेमान भुयु ”

बेमान भुयु धकाः वं थः मतिनामी यात धाःगु ! बेमान धाःगु सलय् तं व माया निगुलीं ल्वाकज्याः !

सरिता थौं व हे बेमान भुयु, वया मतिनामी भुवन या छेय् या लू त वया न्ह्यःने किचः थें दं वया च्वन !

## बुन्हिया देछाः

बुन्हि धकाः सःतूगु भुयुचां ! खें व लाल्मन रसबरी न्ह्यच्याके हल, वया न्ह्यःने ! गात गात धाय्के न म्हुतुइ म्हुतुइ थ्यंके ल्वसुकल ! “ न, न ! थौं जिगु बुन्हि ! ” धा धां भुयुचां सरितायात कम्मरय् ल्हाः तयाः कतिक्क ज्वन ! वास्या वास्या यात !

सरिता खाः ह्याउंकल “ छु यानागु ..... , त्वःति ! ”

सोफां कहां वनाः सरिताया तुतिं निसें च्वय् तक थःगु ख्वालं सरिताया म्हुय् बुतूबुल ! सरिताया म्हुय् करेन्त त्वःता बिल ! सरिता न सुम्क हे च्वन ! छाती ख्वालं बुतूबुल ! सरिता मिखा तिसिना सर्गय् थ्यंगु अनुभूति याना च्वन ! निम्हेस्यां नुगः पा भाराभारा ! सरिताया छातीं पलख भुयुचां थःगु खाः छु लिकात, सरितां हे कतिक्क ज्वनाः “ त्वःते मते ” धाःगु संकेत बिल ! भुयुचित ला भन छु माल ? अगःचा माला देय्गःचा लूगु थें जुल ! सोफाय् फ्यतुना च्वपीं निम्हेस्यां ल्हाः तुति ती प्यना वन ! भुयुचां लुचुक्क ल्हवना खाताय् थ्यन ! निम्ह छम्ह जुल ! घौछी लिपा सरिता वाथाइथां दन ! उखें थुखें लाना च्वंगु थःगु वसः छता छता दतले मुना फिल सरितां !

भुयुचां सरिताया छयों पितुपियाः “ सुभाय् छन्त, जिगु बुन्हीया देछाःखया ! ”

चौलाथ्व ४

छितः स्थानीय नेता, उद्घोषक,  
वक्ता नापं बांलाःम्ह एफ एम  
संचालक यायेगु  
**जिमिगु अभियान**

छिगु नितिं मदयेकं मगाःगु

- संचार साक्षरता
- न्वचू कला
- उद्घोषण
- एफ एम संचालन



पत्रकार  
श्रीकृष्ण महर्जनं  
चव्यादीगु सफू

**नासः**

उकिया नितिं छिं सफू न्याना ब्वनादिसँ ।

छि थः स्वयम हे सक्षम जुयादिसँ ।

सफूया नितिं फोन ल्याः ४३३३००७,  
९८४१४०१०७७, ९८४१७५२५८३

**sensei**  
Engineered in Japan

## अन्तर्राष्ट्रिय स्तरको, राष्ट्रिय मूल्यमा

जुनसुकै ब्राण्डको  
पुरानो TV सँग  
नयाँ Sensei LED  
साटनुहोस्



टि.भी रोजेजस्तो  
मूल्य खोजेजस्तो

पुरानो हैन, नयाँ सँग रमाऔं, नयाँ दिनको नयाँ उमङ्ग,  
**sensei सगै मनाऔं**



यो योजना २०७३ फाल्गुन २० गते बाट सिमित अवधि सम्म मात्र लागू हुनेछ ।

**CG** | ELECTRONICS

Mobiland Electronics Pvt. Ltd., Kirtipur-17  
ph: 01-4333605, 4332057, 9851139402

\*T&C Apply